



## CM Appointment Order

मुख्यमंत्री उमर अब्दुल्ला हों कल श्रीनगर दे शेर-ए-कश्मीर अंतराष्ट्रीय कांफ्रेंस सेंटर च आयोजित इक समारोह दौरान- सिडकें-इमारतें सरबन्धी PWD मैहकमें च नमें लाएं गेदे 132 जूनियर सिविल इंजीनियरें गी न्युक्ति पत्र सौंपे। इक मौके अपने सम्बोधनै च मुख्यमंत्री हों इनें नौजवान इंजीनियरें गी ममारकबाद दिती ते आखेआ कि ओ पूरी निष्ठा- पेशेवराना ढंगै नै अपने कम्मे प्रति इक-जुटता कन्ने अपनिएं जिम्मेदारियें गी अंजाम देन। उनें आखेआ कि इंजीनियर इक ऐसा तबका ऐ- जेहड़ा राष्ट्र निर्माण च सब्भनें शा अग्गे होइयै जोगदान दिंदा ऐ ते मेद कीती जे एह नमें नियुक्त कीते गेदे इंजीनियर बी जम्मू-कश्मीर दे विकास-बाददे गी रफ्तार देने ते बुनियादी ढांचे गी निग्गर बनाने च महत्वपूर्ण रोल अदा करडन.

इस मौके पर मजूद उपमुख्यमंत्री सुरिन्दर चौधरी हों अपने सम्बोधनै च आखेआ.

<><><><><><>

## LG- SANJAY Guide-Book

उपराज्यपाल मनोज सिन्हा हों कल लोक भवन श्रीनगर च श्री अमरनाथ जी यात्रा लेई मार्ग दर्शका यानि “गाइड बुक” दा 15मां संस्करण जारी कीता। इस मौके एल.जी हों जम्मू दे सैलसफा सरबन्धी संगठन “द टूरिज्म फेडरेशन ऑफ जम्मू” आसेआ धार्मिक सैलसफा दे अनुभव गी होर बेहतर ते सुविधा जनक बनाने लेई कीते जा'रदे जतनें दी सराहना कीती। एल.जी हों फेडरेशन दे इलावा होरनें सब्भनें संगठनें दी बी सिफ्त कीती- जिंदे किट्ठे रलियै कीते जाने आहले जतनें दी बदौलत अमरनाथें दी यात्रा पूरी चाल्ली रमानदार- सुरक्षत ते बवस्था आहले ढंगै सिर तोढ़ चढ़दी आवा रदी ऐ। इस बरे दी यात्रा गाइड बुक च यात्रा दौरान

सुरक्षा नियम- अनुशासन- रजिस्ट्रेशन प्रक्रिया- डाक्टरी सुविधाएं- ठैहरने- रौहने दे विकल्पे ते कुसै अपात स्थिति दौरान सम्पर्क करने लेई नम्बर बी उपलब्ध न।

<><><><><><>

### **Union Mini.Tawi River**

सिडक ट्रांसपोर्ट ते राष्ट्री जरनेली सिडके सरबन्धी केन्द्री राज्यमंत्री अजय टम्टा होंरे कल जम्मू च तवि रिवर फ्रंट दा दौरा किता ते इस महत्वकांक्षी परियोजना दे जारी कम्में दी रफ्तार ते प्रगति दा मौके पर जायजा लैता। इस परियोजना दे प्रोजैक्ट डरैक्टर सुनील ठुस्सु होंरे उनें गी इस परियोजना दे कम्में च होई दी प्रगति ते भविक्ख दिएं विकास योजनाएं दे बारे च तफसीली जानकारी दिती। इस मौके किट्ठे गी सम्बोधित करदे होई अजय टम्टा होंरे तवि रिवर फ्रंट दे निर्माण कम्मे कन्ने जुड़े दे सब्भनें हितधारकें दी सिफ्त कीती ते आखेआ जे एह परियोजना हाइ नियंत्रण च मददगार साबत होने दे कन्नो-कन्नी इलाके दे सैलसफा विकास ते आर्थिक विकास च बी मती मददगार साबत होग। उनें आखेआ कि एह इस खिते लेई ऐतिहासिक तोहफा साबत होने आहला ऐ।

<><><><><><>

### **GOC White Knight -Akhnoor**

फौज दी व्हाइट नाइट कोर दे GoC ते क्रॉस स्वर्ड डिवीजन दे GoC होंरे कल किट्ठे जम्मू जिले दे अखनूर सैक्टर दे अगेतरें बन्ने कन्ने लग्गदे इलाकें दा दौरा लाया ते उत्थे फौज दिएं कारवाइयें सरबन्धि त्यारियें- मजूदा सुरक्षा हालात ते बन्ने दी स्थिति दी समीक्षा कीती। इस

दौरान उ'नें उत्थे तैनात जोआनें ते अफसरें कन्ने बी गल्लबात कीती। दौरे दौरान उ'नें घुसपैठ रोधी उपाएं- तकनीकी एकीकरण ते कारवाइयें सरबंधी त्यारियें दा बी तफसीली जायजा लैता। GoC होरें बन्ने पर 24 घंटे दिन-रात डटे रौहने आहले सैनिकें दी हिम्मत- दलेरी ते अपनी जिम्मेदारियें दी निष्ठा दी बड़ी मती सराहना कीती। इस मौके उ'नें आधुनिक उपकरणें ते सुविधाएं दा पूरा-पूरा इस्तेमाल करदे होई बन्ने पर सुरक्षा जकीनी बनाई रखने पर जोर दिता तां जे दुश्मन दे कुसै बी माड़े षडयंत्र गी तोढ़ चढ़ने दा मौका नैई थहोए।

<><><><><><>

### **CM-Statehood Protest**

मुख्यमंत्री उमर अब्दुल्ला होरें आखेआ ऐ जे जम्मू-कश्मीर गी परतियै राज्य दा दर्जा दोआने दी मंग गी लेइयै संसद दे ओंदे बरसांती आहले इजलास दे शुरु होने पर विरोध-प्रदर्शन करने दे कार्यक्रम च कोई बदलाव नैई ऐ। उ'नें आखेआ कि जियां घोषणा कीती गेदी ऐ ओहदे मताबक अस्स दिल्ली जाहगे ते इक दिन जंत-मंतर पर अपने विचार रखगे। प्रधानमंत्री नरेन्द्र मोदी हुंदे कन्ने उन्दी हालिया बैठक बारे पुच्छे जाने पर उमर अब्दुल्ला होरें दस्सेआ जे उ'नें जम्मू-कश्मीर दे माली हालत- राज्य दा दर्जा देने ते विकास कम्में गी रफ्तार देने जनेए विशें पर गल्लबात होई ऐ। उमर होरें मेद प्रगट कीती जे इस गल्लबात दा फैयदा जम्मू-कश्मीर दे लोकें गी तौले ते जरूर थहोग. एह जानकारी मुख्यमंत्री होरें कल श्रीनगर च इक समारोह दे बाहरे पत्रकारें आसेया पुच्छे गेदे सोआलें दे परता दिंदे होई दिती।

<><><><><><>

## RRU-SDRF MoU

राष्ट्रीय रक्षा विश्व विद्यालय (RRU) ते जम्मू-कश्मीर आपदा मोचन बल SDRF नै कल सखलाई- पढाई लिखाई ते शोध आहले खेतरें च आपसी सहयोग लेई इक समझौता पत्र पर दस्तख्त कीते। एहदे नै जम्मू-कश्मीर च आपदा प्रबंधन ते अपात प्रतिक्रिया समर्थ च बेहतरी औग। इस समझौता पत्र राहे सांझिएं पैहलकदमियें दे जरिए संस्थागत सहयोग बधोग- जियां शैक्षणिक प्रमाणीकरण- अनुसंधान ते सखलाई प्रोग्राम- JKSDRF ते कर्मियें लेई बशेश सखलाई मॉड्यूल ते JKSDRF दिएं जरुरतें मुजब ओहदे सखलाई केन्द्रें गी तगड़ा करना ते उन्दा पुर्नगठन कीता जाहग। आपसी सहयोग कन्नै व्याखथानें- कार्यशालाएं- सेमिनारें ते लौहकी अवधि आहले सखलाई प्रोग्रामें गी ऑनलाईन ते ऑफलाईन तरीके नै आयोजिक कीता जाहग।



## CS-Oath

मुख्य सचिव अटल डुल्लु होरें कल जम्मू-कश्मीर जल संसाधन नियमन प्राधिकरण दे नमें नियुक्त कीते गेदे अध्यक्ष सुरेश कुमार गुप्ता होरें गी ओहदे दी सगंध चकाई।

एह समारोह सिविल सचिवालय च लगगा जेदे च जल संसाधन सैक्टर दे सीनियर सरकारी अफसरें ते अमले नै शिरकत कीती।

इस मौके पर बोलदे होई श्री डुल्लु होरें सुरेश गुप्ता होरें'गी शुभकामनां भेंट कीतियां ते यकीन बुज्जेया जे उन्दे उत्कृष्ट प्राशासनिक तजर्बे ते कुदरती संसाधनें दे प्रबंधन बारे इंगी जानकारी प्राधिकरण गी होर तगड़ा करोग ते संघ शासित जम्मू-कश्मीर दे जल संसाधनें दा सतत सामा ते असरदार प्रबंधन यकीनी कीता जाई सकोग।

<><><><><><>

### **Div. Com Nasha Mukat**

जम्मू दे डिविजनल कमीशनर रमेश कुमार ते जम्मू ज़ोन दे IGP भीम सेन टूटी होरें कल 100 दिन चलने आहले नशा मुक्त जम्मू-कश्मीर अभियान तैहत दंडू महीनें च होई दियें गतिविधियें ते कम्ममें-काजें दा जायजा लैने लेई इक जायजा मीटिंग दी अध्यक्षता कीती। मीटिंग दौरान नशा मुक्त कश्मीर अभियान दे बक्ख-बक्ख आयामें पर कीते गेदे कम्ममें ते कार्यवाहियें जायजा लैता गेआ। मीटिंग च दस्सेआ गया जे जम्मू-डिविजन च पिच्छले दंडू महीने च तफसीली सतह पर इक लक्ख 32 जहार 232 पंचैत सतह पर इक लक्ख 69 जहार 26 ते गां सतह पर 38 लक्ख 3 जहार 405 जागरुकता प्रोग्रामें दा सरिस्ता कीता गेआ। इनें जागरुकता कैम्पें च समाज दे हर वर्ग दे लोकें हिस्सा लैता जेहदे नै इस अभियान नै इक जन-आंदोलन दा रूप लेई लेदा ऐ।

<><><><><><>

### **Weather**

अज्ज बड्डलै सवेला जम्मू प्रांतें च भारी बरखा पेई जिहदे नै सख्त गर्मी थमां लोकें गी राहत थोई ऐ। तापमान झिगला उठी आया ऐ ते लोकें गी तपदी गरमी थमां निजात थोई ऐ। भारी

बरखा पौने करी जम्मू शैहरा दे केंइयें खलके इलाकें च हाड़ आई गया- जेहदे नै सवेला औने-  
जाने आहलें गी मुश्कल दा सामना करना पेया। मौसम विभाग नै औने आहले किश दिनें च  
इस्सै चाल्ती दा मौसम रौहने दी पेशनगोई कीती ऐ। अधिकारियें दस्सेआ जे 17 जून तकर  
रुकी-रुकियै बरखा-गरजी चमकियै तेज अंधी-झकखड़ दी संभावना बनी दी ऐ। कुसै-कुसै थाहर  
हलकी थमां दरम्याने दर्जे दी बरखा बरने दे बी असार नजरी आवा रदे न।

<><><><><><>